



DEO OPT. MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono,

QUÆSTIO MEDICA,

CARDINALITIIS DISPUTATIONIBUS

*mane discutienda in Scholis Medicorum, die Jovis secundâ mensis
Aprilis, Anno Domini M. DCC. LXVII.*

M. ANNA-CLAUDIO DORIGNY,

Doctore Medico, Præfide.

An Parisinis salubrius vere quàm autumnis rusticari?

I.



EMINEM later, aëris salubritati in maximis urbibus nocere & frequentium altitudinem ædificiorum, & incolarum multitudinem; adeò ut, si rure numquam fuisset urbanos undique circumstet teterrima morborum cohors. Perpetuâ enim aëris inquinari ne eju, imminuitur elæterium; pulmones minùs expansi sanguinis circulo torporem inferunt, flagnationes imminere pejorum nunciâ. Adde nocua quæ in pectore nidulantur miasmata; hinc in proximo sunt asthma, pthilis: si morbi sedes in pulmonibus non

Δ

hæreat, obstruuntur alia viscera, mala oritur humorum diathesis; hæc vitia non raro promovet prava digestio. Vides quot civium membra deformet macies; marcidus vultu insidet color; ubique hominum effigies pro hominibus apparent sati inexorabilis ludibria. Quorum quidem triste præbet exemplum magna illa in quâ vivimus Luteria. Et si eo aspectu sita videatur, ut commodis abundet omnibus quæ ad locorum sanitatem requirit Hyppocrates; (a) ea tamen est ejus magnitudo, ut quæ insigne illud Galliæ caput extollunt, eadem ejus imminuant salubritatem, sicutque opportunum infestent. Quisquis ergo nostrum sanitati suæ consulit, is identidem urbanas ædes fugiat & ad rura convoler, pharmacum eximie dotis, ærem commutando, quæsiturus. Et quot amœna loca circa Luteriam adeo ridentia non videas, ut totidem Tempe dixeris; seu quâ Medonici, aut Surenæ colles assurgunt, seu quâ confluentis Matronæ undis auctior Sequana Yvriacos inter campos, villamque Berciam reginæ urbi allabitur. His in locis ut & in aliis bene multis (b) quos hic recensere longum esset, cujusvis ætatis ac conditionis homines omnium deliciarum illecebræ pertentant. Cum verò urbanis omnibus perpetua camporum non sinatur habitatio; illud ad rusticationem feligendum est anni tempus, quo integra persistere aut restitui possit eorum fanitas.

I I.

NON enim æquè utilis est tempestas quævis, cum eadem continuo cursu non regnet temperies. Nullum campis hieme decus, frondes humi jacent sine honore; frigidus stridet aquilo, importuno frigore ær horrescit, quo mox delicatula urbanorum membra corripere, eorumque brevi prosterneretur fanitas. Per æstatem in campis immodico fervore ær æstuat; urbani verò frigus captant in atriis arte dispositis, defervescente calore hortos perambulant. Illa itaque feligenda est tempestas, quæ rusticantes aliciat, quæ suâ temperie plurimos præcaveat morbos, quæ sanitatem restituat, conservet, stabiliat, quæ corpori denique omnia comparet commoda, quæ grato rerum aspectu mentem exhilaret, curis studioque exhaustam reficiat; adeo ut juvenibus firmiora crescant organa, omnes veluti balsamo perfundantur humores, sicque vegeto corpori constans præsit animus; ab ætate mediâ removeatur senescendi necessitas, senisque & baculum risus & joci circumvolent. Has dotes rusticantibus offert sola veris tempestas.

I I I.

VERNÆ tempestatis dotes à Poëtis non semel celebratas omnes norunt. Sunt & aliæ quæ ad medicam tantum artem pertinent; eæ nimirum quibus hominis dies melius nitent. Benigno referantur calore omnia cutis spiracula, corpus humoribus superfluis & nocuis sætum ab omni sordè liberatur. Ær amico & salubri pulmones recreat tepore: viscus illud levat facilior pulmonalis transpiratio, nec nocuus illud insicit vapor. Cor & arteriæ felicius micant, sanguis aquosior liberiùs omnes permeat partes. Juniores herbæ: Deli-

(a) Hyp. de ære, aquis & locis.

Thes. Ak. Antiq. An. Paris. p. 17. in notis ad rusticari? 17^{to} 34

cationibus & suavioribus pasta animalia delicatorem suavioremque suppeditant succum, quo remittuntur paululum ventriculi fibræ, ejusdem minuitur calor. Quæ vere germinant vegetabilia, succis turgent acidulis et saponaceis, sicque illum resolvunt qui hiemali otio ob minorem perspirationis efficaciam aggestus fuerat humor pituitosus. Sic & trassiora repurgantur. (a) Hinc leviora corpora fiunt, (b) opportunè perscolantur humores, spiritus tenuiores à sopore rediuviri in universam corporis molem influunt; ipsam mentem blandè afficit renascens natura reficitque molle otium. Quicumque fibris laborant gracilibus aut hypocondriacis affectibus, eorum sanitati maximè proficit udus & calidior zephyrorum halitus: neque minus inde levamen accipiunt qui asthmate cruciantur sicco & convulsivo.

Tum violaria &

Myribus & omnis copia narium, (c)

novum aëri puro inducunt vigorem quo citò redivit convalescenti sanitas, moribundi ab orco eripiuntur. (d) Si macie totum fuerit affectum corpus, si pulmones tabe tententur, ubera pharmacopolarum pixidibus potiora porrigunt asinæ, vaccæ, capellæ; mirè enim prodest lac vere sumptum. Quod si obstruantur viscera, promptum adest in aquis à naturâ ipsâ medicatis remedium. Vernam tempestatem sequitur aliud commodum ut, nempe adjuventur medicorum curæ, facilius v. g. scorbuto medearis, tabem superes veneream, chronicos morbos citius profigas,

I V.

SUÆ verò sunt autumnio amœnitates; sed in ipso deliciarum sinu quot Sgravia imminet pericula & quasi insidiantur morbi! Ea est aëris inconstantia ut frigidus, calidus vicissim & eodem die sentiantur; sæpius vero frigus & humiditas dominium habent. Frigore cohibetur perspiratio, corpora ponderosiora fiunt. Humiditate segnior est aër quàm ut circulationem stimulet pulmones dilatando, ingurgitatur viscus illud: inde anhelitus & angustia asthmaticos tenent, imminet phthisicis mors propinqua. Minimè elaboratus spissiorque sanguis spiritus gignit effectos non studiorum tantum sed et cujusvis exercitationis incapaces. Nec mediocria à cibo & potu oriuntur damna. Autumnus enim tempus epularum, tempus morborum. Perdicum leporumve carnibus aut aliis id genus pascuntur, quibus humorum provocatur putrefactio; gratam sed insidam porrigunt escam innumeri fructus qui, si non Dysenterias producant, viscosum & crudum præbent chylum; magis ac magis inspissantur humores, Sunt qui liquores non satis fermentatos hauriunt ut nimium quo uruntur ardorem temperent, vel spirituosos deglutiunt ut vaporem stimuleant palatum aut resolutas ventriculi fibras corroborent. Hinc multi & ut plurimum contumaces ingruunt morbi, gravedines, febres diurnæ, putridæ, intermittentes, alvi fluxus, apoplexiæ, comitiales affectus, obstructions, cachexiæ, pulmonum tabes, scorbutus, rheumatismus; &c. Autumnio apud infantes laboriosa dentitio, rachitis, scrophulæ, vermes. Apud mulieres immodicus mensium fluxus, flaores albi & nune ossa hysteri corum morborum cohors, à quibus malis corpus vindicare minimè sufficiunt exhaustæ per æstatem vires.

(c) u l w e t Tom II

(d) Sanct. scd. II,

(c) Hor. L. II, od

(d) Ant. Petit in suis prælectionibus.

NEQ UE verò hæc omnia in malam partem accipi velim, quasi veris laudator præposterus autumnum deprimere aggrediar, ut unicè vernam tempestatem extollam. Non quidem diffitebor cathartos, gutturis inflammationes, anginas, fluxiones, febres, podagram veris delicias inturbare. Verùm morbos per se ver non producit. Ver enim ex propriâ naturâ nihil novat, sed si corpus bonis humoribus præditum reperit illud in eo statu servat, (a) Hinc galenus (b) non ineptè ver exercitationi comparavit, quæ & ipsa ubi adhibetur in corpore excrementis vacuo, salubris existit, si verò corpus excrementis plenum invenit, morborum fit causa. Dein morbi illi ferè omnes, ni speciali miasmate inficiatur aër, salubres habendi sunt & ipsius met naturæ habentur conamina quæ nedum eam lædant, illam expediunt. Nec opus est aleæ plenum eos præcaverè morbos, si nempe eo utaris cibo quem undequaque prudens offert natura, si potu abundantiori, exercitiisque moderatis indulgeas. Non ita facile vitabis autumnum incommoda; licet enim te vestibus munitum inveniat frigus, licet utaris diureticis, non omnes fugient morborum pestes. Hinc Fernelius, (c) autumnum habet perniciosum, quod annuo solis recessu plurima fenescant, occidant, omnium vires emacescere calore frangantur. Fernelio consentit Sanctorius (d) juxta quem autumnus insalubris est tum quia perspiratio à superveniente frigo e prohibetur, tum quia quod dissilari prohibetur acre & mordax fit. Consentit etiam divus senex qui pronunciare non dubitat autumnum acutissimos morbos & maxime exitiales gignere, morborum velut circuitus habere. Ex his pronum est concludere:

Ergò Parisinis salubrius vere quàm autumnum rusticari.

(a) Sennert. inst. med. c. de aëre.
(b) Aphor. 20.

(c) De additis morborum causis
(d) Aphor. X. sect. III.

Proponebat Parisiis JOANNES - AUGUSTINUS COUTAVO
Parisinus, Saluberrimæ Facultatis Parisiensis Baccalaureus. Theleo
Auctor. A. R. S. H. 1767. A sextâ ad meridiem.

Typis QUILLAU, Universitatis & Facult. Medic. Typographi, 176